



Inatsisartuni ilaasortaq
Randi Vestergaard Evaldsen
Demokraatit

§ 37 naapertorlugu apeqqummut 2017-261-imut akissut

Asasara Randi

Apeqqutinnut, uannut akisassanngorlugit innersuunneqartunut qujanaq. Apeqqutit matuma kinguliani ataasiakkaarlugit akineqarput.

Apeqqut 1. Naalakkersuisut kissaatiginerlugu imatigut kabelip sakkortussusaanik atuineq allisinneqassasoq taava taamaassimappat Naalakkersuisut suut suliniutit aallartinniarpaat?

Akissut:

Niuernermi aalajangigassat taamaattut aktianik piginneqatigiiffimmit Namminersorlutik Oqartussanit pigineqartumit, Telepost A/S-imit aalangiiffigineqartarput.

Apeqqut 2. Imaatigut kabelip Greenland Connectip sallaatsumik oqaatigalugu sakkortussuseq alliniarlugu aallartinniaaluusaarsimanagera eqqarsaatigalugu aningaasatigut kingunissai taamatullu aningaasaliinissaq kiisalu ingerlatsinermut aningaasartuutit eqqarsaatigalugit Naalakkersuisut qanoq eqqarsarpat, imaatigut kabelip qanganitsernissaa taamaasillunilu taarsernissaa eqqarsaatigalugu imaatigummi kabelit 25-t ingerlanerini pisoqalikkajummata?

Akissut:

Suliffeqarfiup aningaasaqarnerani aningaasaliinermut ingerlatsinermullu aningaasartuutit pillugit eqqarsaatissat tamarmik TELE-POST-ip siulersuisuisa aqutsisuisalu ataanniipput.

Pisinnaasanik atuinerup sallaatsumik aallarnisarneqarnera pillugu allaaserisatit ilisarisinnaangilakka. § 37 naapertorlugu apeqqummut 2017-227-mut akissummi oqaatigineqartutut, TELE-POST-ip oqaatigaa, immap naqqatigut kabelip 2009-mi atorneqalerneraniilli pisinnaasanik atuineq agguaqatigiissillugu ukiumut 50-60 %-inik annertusisarsimasoq. Tassalu atuineq ukiut arfineq pingasut qaangiuttut ingerlanerini 30-eriaammik annertusisimavoq. Taakkununnga pisinnaasanik atuinerumit annertuseriaatsit, 2017-imi decembarimi immap naqqatigut kabeleqarfiit ilaneqarnerini pisut ilaatinneqanngillat.

Apeqqut 3. § 37 tunngavigalugu apeqqutitsinni nr. 227-mi apeqqutitsinni 2-mi imatut aperivugut: " sakkortussuseq procentinik qassinik ANNERTUSINEQARSINNAAVA avannamut kimmur programmi allineqartuuppat." Malugiuk avannamut kimmur programmi nammineq tamakkiisumik sakkortussutsimut naleqqiullugu kisimi apeqqutigineqanngimmat, paarlattuanilli apeqqutigineqarmat sakkortussutsip ataatsimoortup/tamakkiisup ilaatut.

23-02-2018
Suliaq nr.: 2017 - 27081
Dok. nr. 27752235

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

a. Isumaqarpugut apeqquut naammattumik akineqanngitsoq taamaattumik kissaatigaarput naammaginartumik akineqassasoq.

Akissut:

§ 37 naapertorlugu apeqquummut 2017-227-mut akissummi oqaatigineqartutut, avannamut kimmut pilersaarutip (immap naqqatigut kabelimi Greenland Connect-imi) pisinnaasanik atuineramik 100 %-imik annertusititsisinaanera TELE-POST-ip naatsorsuutigaa

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Erik Jensen